



«Նոր ժամանակի կրթություն» ՀԿ

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ  
ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ

Հետազոտության թեման՝ Ընթերցանությունը որպես  
ուսուցման գործիք տարրականում:

Առարկան՝ Անգլերեն

Հետազոտող ուսուցիչ՝ Նառա Ղազարյան

Ուսումնական հաստատություն՝ Կաթավաձորի  
Մ.Մխիթարյանի մ/դ

Երևան 2023

# Բովանդակություն

Ներածություն .....	3
Գլուխ 1: Տարրական դասարանների երեխաների կողմից գեղարվեստական գրականության ընկալման առանձնահատկությունները:	
1.1 Գեղարվեստական գրականության դերը տարրական դասարանների երեխաների կյանքում և դաստիարակության գործում.....	6
Տարրական դասարաններում սովորող երեխաների զարգացման արդի խնդիրները ..	7
Գեղարվեստական գրականության ուսուցումը լավագույն միջոցներից է.....	9
Տարրական դասարանների երեխաներին իրենց արմատներին ծանոթացնելու, հայեցի մտածողություն ու դաստիարակություն սերմանելու համար.....	10
Հեքիաթ.....	13
Տարրական դասարաններում սովորող երեխաների առանձնահատկությունները ....	15
Առած-_____	18
Ասացվածք.....	19
Եզրակացություն .....	22

## Ներածութիւն

Այսօր մեր երկրում հասարակական կյանքի բոլոր ոլորտներում տեղի են ունենում համակարգչային ու արմատական փոփոխություններ՝ պայմանավորված ոչ միայն զարգացման ազգային առանձնահատկություններով, այլև համաշխարհային զարգացումներին բնորոշ աշխարհաքաղաքական, սոցիալ մշակութային գործոններով:

Եվ միանգամայն հասկանալի է, որ նման իրավիճակում հանրակրթության բարեփոխումն ու առաջանցիկ զարգացումը դառնում են խիստ արդիական ու անխուսափելի:

Այս համատեքստում տարրական դասարանների երեխաները, որպէս՝ հանրակրթության առաջին և կարևորագույն օղակ, իրենց զարգացման որակական փուլն են ապրում: Վերջինս պայմանավորված է տարրական կրթության նպատակների գերապատվությունների ու կողմնորոշումների արմատական փոփոխություններով, որտեղ ավելի ու ավելի հստակորեն առաջին պլան են մղվում կրտսեր դպրոցականի անձի ձևավորումը, նրա գիտակցության ու կարողությունների զարգացումը:

Հասարակական կյանքի արագընթաց փոփոխություններն անհատից պահանջում են ցանկացած իրավիճակում ճկուն գործելու, ծագող խնդիրները ստեղծագործաբար լուծելու հմտություն: Այդպիսի ուսուցման հնարավորությունը պայմանավորված է երեխաների զարգացման բարձր մակարդակով, դպրոցական կյանքին նրանց նախապատրաստության բավարար աստիճանով:





Գլուխ 1: Տարրական դասարանների երեխաների կողմից Գեղարվեստական գրականության ընկալման առանձնահատկությունները:

1.1 Գեղարվեստական գրականության դերը տարրական դասարանների երեխաների կյանքում և դաստիարակության գործում:

Գեղարվեստական գրականության զարգացման հիմքում ընկած է ժողովրդի գեղարվեստական խոսքը՝ ժող. երկեր, հեքիաթներ, առակ, առած, ասացվածքները և այլ բնույթի բանավոր ստեղծագործություններ, որոնք դարեդար ուղեկցել են երեխաներին և դաստիարակել նրանց:

Գեղարվեստական գրականությունը մատաղ սերնդի դաստիարակության կարևոր միջոցներից է: Այն ընդլայնում է երեխայի մտահորիզոնը, նրան գիտելիքներ է տալիս, ձևավորում է աշխարհայացք, հարստացնում է կենսափորձը, մշակում բնավորության դրական գծեր՝ ազնվություն, հայրենասիրություն, աշխատասիրություն և այլն: Կոփում է երեխայի կամքը, հարստացնում երևակայությունը, այն մշակում է նաև էսթետիկական ճաշակ, գեղեցիկի զգացում:

Տարբեր տարիքի երեխաների համար գրված դասագրքերը միմյանցից տարբերվում են թե թեմայով, թե ծավալով, թե բովանդակությամբ և թե գրվածքների գեղարվեստական ձևերով: Երեխայի մոտ փոքր հասակից դաստիարակվում է ոչ միայն բանականությունը, այլև գեղարվեստական ճաշակը, գեղեցիկի զգացողությունը:

Երեխայի համար ամեն ինչ նոր է, գեղեցիկ կամ սարսափելի, և այս բոլորը նրան երևակայության թռիչք է տալիս: Դրա համար էլ մեծահասակները, հատկապես մանկագիրները, ուսուցիչները ամեն ինչի մասի պատմելիս պետք է մտածեն, որ այդ խոսքը չոր ու ցամաք չլինի, այդ խոսքը պետք է լինի նուրբ, երբեմն ռոմանտիկ, մի խոսքով հետաքրքիր, որը հավասար է գեղարվեստականին:

Տարրական դասարաններում սովորող երեխաների զարգացման արդի  
խնդիրները;

Տարրական դասարաններում ուսուցումը կարելի է իրականացնել՝ ապահովելով  
յուրաքանչյուր առարկայի այդ թվում և գրականության դասավանդման գիտական  
մակարդակը:

Սակայն պետք է նկատի ունենալ այն, որ նշված տարիքի երեխաների համար  
գեղարվեստական գրականությունն առաջին անգամ հատուկ ուսումնական  
առարկայի նշանակություն է ձեռք բերում և այդ պատճառով բարդանում է նրա  
յուրացումը, որն անհրաժեշտ է հանգամանորեն կազմակերպել ու իրականացնել:  
Ուստի, երեխաների մտավոր գործունեության կառավարման պայմաններում նրանց  
կողմից գեղարվեստական գրականության յուրացման առանձնահատկությունների  
բացահայտումը չափազանց կարևորվում է:

Այդ ձևով հնարավոր կլինի՝

1. Ուսումնասիրել երեխաների մտածողությունը առանձնահատկությունները
2. Որոշել օգտագործվող ստեղծագործությունների մանկավարժական արժեքը
3. Կատարել գրականության հաջող ընտրության և այն օգտագործել  
արդյունավետորեն:



Այս հարցի ուսումնասիրումն արդի փուլում կրում է կոմպլեքսային բնույթ և իրականացվում է տարբեր գիտությունների սահմանագծերում: Գիտնականները փորձում են ուսումնասիրել, մի կողմից՝ արվեստի, ամբողջությամբ վերցրած և մասնավորապես, նրա առանձին տեսակների, այդ թվում և գրականության պատկերային կառուցվածքը գեղարվեստական գործունեության օնտոգենզի (անհատի զարգացման) բոլոր աստիճանները, մյուս կողմից՝ գեղարվեստական ընկալումը մարդկային կյանքի տարբեր փուլերում:



Այս ուսումնասիրությունների հիմքում, որպես մեկնակետ, դրվում է այն հայտնի ըմբռնումը, ըստ որի արվեստն իրականության պատկերավոր վերարտադրությունն է: Բելինսկու խոսքերով՝ պատկերավոր մտածողություն, որը տարբերվում է մարդու գործունեության մյուս ձևերից:

Ապացուցված է, որ մարդու գործունեության այդ առանձնահատուկ տեսակի արդյունքը կարևոր նշանակություն ունի մարդու անձնավորության ձևավորման, նրա համակողմանի զարգացման համար: Անառարկելի է արվեստի դերը այն շրջանում, երբ հիմնականում դրվում է մարդու անձնավորության հիմքը և դպրոցականի ուսուցման նախահիմքը:

Գեղարվեստական գրականության ուսուցումը լավագույն միջոցներից է տարրական դասարանների երեխաներին իրենց արմատներին ծանոթացնելու, հայեցի մտածողություն ու դաստիարակություն սերմանելու համար:

Ապացուցված է, որ այդ տարիներին երեխան աչքի է ընկնում վերին աստիճանի ուսանելիությամբ և չափազանց վառ տպավորություններով: Շրջապատող աշխարհը երեխան վաղ տարիքում տեսնում է այլ ձևով, քան չափահասության տարիներին: 6-7 տարեկանի համար զարմանալիորեն հետաքրքիր է շրջապատող առարկայական աշխարհի ամեն մի իր, ամեն մի կենդանի էակ: Տարրական դասարաններում սովորող երեխաները կյանքը ընկալում են անմիջականորեն, իսկ տպավորությունները պահպանվում են ամբողջ կյանքում: Գրական լավագույն ստեղծագործություններն իրենց առանձնահատուկ արվեստով կարողանում են հավասար ուժգնությամբ ազդել երեխաների և զգացմունքների վրա՝ դրանով իսկ փոխելով ու հարստացնելով կյանքի ընկալումը: Հայտնի է, որ այդպիսի ընկալում հնարավոր է միայն այն ժամանակ, երբ երեխան պատկերացնում, մտոք տեսնում է ընթերցումը, համազգում է գեղարվեստական երկի հերոսներին: Սրանից հետևում է, որ գրականության ազդեցությամբ զգայական ընկալումը վերափոխվում է իմաստային առարկայական ընկալման, որի շնորհիվ էլ անցում է տեղի ունենում ցածր մակարդակի ընկալումից առավել բարձև մակարդակի: Դրան նպաստում է այն, որ գրականության

ազդեցությամբ վերափոխում են նաև հիշողության պրոցեսները : Գրական տեքստի ընկալման ժամանակ տեղի է ունենում ավելի շուտ ստացած գիտելիքների, տպավորությունների վերարտադրում ոչ միայն արտաքին իրադրությունների հետևանքով, այն գրական խոսքի միջոցով, որը փոխարինում է իրադրությանը: Այսպիսի երևույթը երեխայի մեջ առաջացնում է շրջապատի կյանքը դիտելու նոր հետաքրքրություն, որը խիստ կարևոր է մանկավարժական տեսակետից: Մակայն, որպեսզի գեղարվեստական գրականությունը հաջողությամբ կատարի իր կրթադաստիարակչական առաքելությունը, անհրաժեշտ է հատկապես կազմակերպել նրա ընկալման պրոցեսը՝ հաշվի առնելով երեխաների տարբային առանձնահատկությունները: Երեխաների հետ տարվող աշխատանքում այնպիսի մեթոդների կիրառումը, ինչպիսիք են

1. ընթերցանությունը,
2. պատմությունը,
3. վերապատմումը,
4. զրույցը,

հնարավորություն է տալիս բացահայտել գրական նյութի հիման վրա տեղի ունեցող ճանաչողական պրոցեսի բնույթը և բնութագրել այն մի շարք ցուցանիշներով, մասնավորապես գիտելիքների յուրացման աստիճանով և բանականության որակական առանձնահատկություններով՝ դատողությունների ինքնուրույնությամբ, քննողականությամբ, ընդհանրացմամբ:

Նման մոտեցումը ելնում է այն սկզբունքից, որ ճանաչողական հետաքրքրությունների առկայությունը, երեխայի մտավոր ակտիվությունը կնպաստեն մտավոր գործունեության ինտենսիվացմանը գիտելիքների ձեռքբերման ուղղությամբ ընդհանրապես և դրանով իսկ դրական ազդեցություն կունենան ճանաճողական ընդունակությունների Ա. Հարությունյան 9 զարգացման վրա, զարգացում, որը կիրականանա գիտելիքների յուրացման ամբողջ շրջանում: Երեխայի վրա գեղարվեստական գրականության ազդեցության այդպիսի արդյունքներ կարելի է ստանալ բնութագրերի դեպքում.

1. Գիտելիքների յուրացման տեմպը

2. Ուրիշների՝ ուսուցիչների, ընկերների օգնության բաժինը

3. Գրական նկարագրությունների էական հատկանիշները բացահայտելու ընդունակությունը

4. Տարբերության և նմանության հատկանիշների գիտակցումը այս հիման վրա համեմատելու, վերլուծելու համադրելու կարողությունը:

5. Նոր գիտելիքներ ստանալու ինքնուրույնությունը:

Ուսումնասիրելով բնութագրերի փաստական փվյալները Ի.Լեոները և Ն. Պ Սակուլինան հանգել են այն եզրակացության, որ դրանցում ամփոփվում են սուբեկտիվ և օբյեկտիվ արդյունքներ:

- Սուբյեկտիվ, երբ ստացված նոր արդյունքը(նկար, պատմվածք, երգ, խաղ) Նշանակալից է նախ և առաջ երեխայի համար,

- Օբյեկտիվ, որտեղ ստեղծագործական գործունեությունից բխում է հոգևոր զարգացումը՝ որպես արդյունք:

Բնութագրելով գեղարվեստական ստեղծագործությունը՝ մանկավարժ Ա. Ա Վոլիկովան ստեղծագործական գործընթացը համարում է մտքի, գիտելիքի, մտածողության և երևակայության զարգացման լավագույն միջոց:

Ստեղծագործական գործունեության միջոցով երեխայի մեջ զարգանում են մի շարք անձնային որակներ՝ համարձակություն, աշխատասիրություն, գթասրտություն, ուշադրություն: Երեխաները զգում են շրջապատող աշխարհի գեղեցկությունը ձևերի, գույնի բազմազանության Մեջ:

Այստեղից կարելի է եզրակացնել, տարրական դասարանի երեխաները միատեսակ չեն ըմբռնում գրական ժանրերը: Նրանց հրապուրում է հատկապես հեքիաթը, որի հաջող հաղորդման դեպքում իմացական պրոցեսն արագ է կատարվում, ընկալման համեմատական և համադրական գործողություններն իրականացվում են ոչ թե

Երեխայի երկարատև «որոնումների» շնորհիվ, այլ մեկ, երկու փորձ կատարելու ընթացքում:



## Հեքիաթ

Հեքիաթները ժողովրդական բանայուսական ամենահին և տարածված ստեղծագործություններից են: Մեզ են հասել հնագույն առասպելական ժամանակներից, սկզբում՝ բանավոր, հետո գրավոր: Տարական դպրոցի դասագրքերում առկա են ինչպես հայ ժողովրդական հեքիաթներ, այնպես էլ այլ ազգերի բազմաթիվ հեքիաթներ: Այդ հեքիաթները ոչ միայն ժողովրդական

հեքիաթներ են այլևս դրանց գրական մշակումները՝ աշխատանքի և աշխատասիրության, խորամանկության և ազահության, ընկերասիրության ու հավատարմության մասին: Հեքիաթը երեխային հասնում է որոշակի մտահանգման, նպաստում գեղարվեստական նկարագրություններում գտնել տարբեր կախվածությունների միջև եղած կապը: Հեքիաթի ուսուցումը չպետք է սահմանափակվի կարդալ-վերլուծելով կամ նկարագարելով:

Հեքիաթի ուսումնասիրման դասաժամերին պետք է կատարվեն բազմաբովանդակ աշխատանքներ: Օրինակ՝

1. Հեքիաթի համար ընտրել ի նոր վերնագիր
2. Գրառե՛ք հեքիաթի գաղափարն արտահայտող առաձասացվածքներ
3. T-աձև աղյուսկի միջոցով առանձնացնել՝ բարի ու չար հերոսներին
4. Ո՞ր հերոսին աշակերտները կուզեն նմանվեն
5. Բեմականացնել հեքիաթից հատվածներ
6. Խճանկարներն ամբողջացնելով ստանալ՝ հեքիաթի նկարագարում:

Որոշակի մանկավարժական պայմանների առկայության դեպքում գրականության բովանդակության փոխանցումը կյանք տեղի է ունենում հաջողությամբ, և հեքիաթի միջոցով ձեռք բերած գիտելիքները երեխան օգտագործում է բազմատեսակ գործունեության ընթացքում:

Աշխատանքը՝ Հովհանես Թումանյանի «Չարի վերջը», «Շունն ու կատուն», «Կիկոսի մահը», «Ճամփորդները» Դերենիկ Դեմիրճյանի «Պույպույմուկիկը» հեքիաթներով հնարավորություն է տալիս ասելու, որ հեքիաթներում ծավալվող իրադարձություններն իրենց բառային կրկնություններով հարազատ, մատչելի են երեխաներին և համապատասխանում են նրանց հետաքրքրություններին: Հեքիաթներում թաքնված հեքիաթայնության, անիրականության հորինվածության տարրերը երեխային թույլ են տալիս նկարագրված երևույթները վերապրել իր համար առավել ցանկալի ձևով՝ դրանք համապատասխանեցնելով իր մտածողության տարիքային առանձնահատկություններին: Նկարագրությունների

հեքիաթայնությունը երեխային հնարավորություն է տալիս ազատ լինելու իր զգացմունքներում, մտքերում, ցանկություններում և գոյություն ունեցող իրական կյանքին նայել երևակայողի աչքերով՝ համատեղելով գոյություն ունեցող իրականը մտածածինի հետ, այսինքն՝ նախադրյալ է ստեղծում մանկական ստեղծագործական երևակայության համար, որը ցայտուն կերպով արտահայտվում է հատկապես մանկական նկարներում:

Սովորաբար երեխաները, համակրելով դրական հերոսին՝ նրան նկարում են խնամքով, մեծ չափերով, օգտագործում վառ գույներ: Բացասական՝ չար, վտանգավոր հերոսին պատկերում են մռայլ գույներով, անխնամ, իհարկե, դիտավորյալ հաճախ նրա վրա ներկեր են թափում, թուղթը պատառոտում հատկապես այն մասերում, որտեղ նկարված է աչքերը, քիթը, բերանը:





## Տարրական դասարաններում մ սովորող երեխաների առանձնահատկու թյ ու նները:

Տարրական դասարաններում սովորող երեխաներին բնորոշ առանձնահատկություններից է նաև այն, որ նրանք զարմանալի ներբազմացողությամբ որսում են ճշմարտացին և ոչ մի կերպ չեն հաշտվում մտացածին, շինծու երևույթների, խաբեության հետ՝ տարբերելով դրանք զեղարվեստական չափազանցությունից:

Այսպես «Ճամփորդները» հեքիաթը, ունի իր յուրօրինակ ճանաչողական ուժը: Ամեն մի հեքիաթի մեջ կա իրականության տարրեր, եթե մենք երեխաներին հրամցնեք մի այնպիսի հեքիաթ, որտեղ աքաղաղն ու աղվեսն չեն խոսում մարդկային

լեզվով, երեխաները չեն հետաքրքրվի այդ հեքիաթով: Երեխաներին հետաքրքրում են ոչ միայն հեքիաթների, նրանց օգնող կենդանիների ու թռչունների, կախարդական քնի, ոսկե հավքի կամ անմահական ջրի և բազում այլ ֆանտաստիկերևակայական պատմությունները: Նրանք գիտեն, որ հեքիաթում աքաղաղը եղել է և մնում է աքաղաղ: Այս հեքիաթում երեխաները սիրով են հաշտվում աղվեսի ստի, խորամանկության և նրա նենգա մտության հետ՝ նախապես իմանալով, որ նրանք բոլորը հորինված են: Նրանք տեսնում են, որ ամենա-ամենա հավատարիմը՝ շունն է:

Ինչպես տեսնում ենք, գրական սիրելի հերոսի վարքագիծը երեխայի համար ստանում է ընդհանրացման ֆունկցիա:

Դրա պատճառն այն է, որ գրական նկարագրություններում առկա են դրամատիզմ, կոնֆլիկտայնություն , դրսևորվում է հերոսականություն, որն ազդում է երեխայի հոգեբանության վրա, սուր կերպով շոշափում նրա զգացմունքային ապրումների ոլորտը: «Իսկ ինձ կլինի հետո, ո՞վ կհաղթի, ինչո՞վ կվերջանա այս ամենը» ահա այն հարցերը որոնք անհանգստացնում են երեխային և հիմք ծառայում անկեղծորեն վերապրելու գրական հերոսի արարքները: Ս. Դեմիքճյանի «Պույպույ մուկիկը», Աթաբեկ Խնկոյանի «Ագռավն ու Աղվեսը», «Աղվեսն ու կռունկը» և բազմաթիվ այլ ստեղծագործություններ (գրված ոչ միայն հեքիաթի, այլ նաև ուրիշի ժանրերով) դրա ապացույց են :

Զարմանալի է այն, որ երեխաները ավելի արագ են որսում, ավելի երկար մտապահում, ավելի լավ իմաստավորում բացասական գրական հերոսի վարքը, քան դրականինը: Ուստի նման երևույթը մանկավարժին հուշում է գրական բացասական հերոսի վարքագծի խոր իմաստավորման հիման վրա՝ հակադրության միջոցով, երեխաներին սովորեցնել հասկանալ և գնահատել դրական հերոսների բարի գործերը:

## Առած -ապագվածք

*Առածը ունի փոխաբերական իմաստ:*

*Ասացվածքը ուղղակի խոսք է, չունի փոխաբերական իմաստ և այլն:*



Առած-ասացվածքները պատկերավոր ու սեղմ ասույթներ են կյանքի, մարդկանց արած ու չարած գործերի, կենցաղային տարբեր երևույթների վերաբերյալ:

Տարրական դասարաններում սովորող երեխաների դասագրքերում ընդգրկված են բազմաթիվ առակներ, որոնք բոլորն էլ խտացրած տեսքով արտահայտում են տվյալ դասի բնագրի հիմնական միտքը: Առածները երեխաների համար պետք է լինեն հասկանալի:

**Առածի միջոցով զարգանում է երեխաների լեզվամտածողությունը:**

Նրանք հեշտությամբ անգիր են անում դրանք և կիրառում իրենց խոսքում:

1. «Երկաթը տաք-տաք կծեծեն»- այսինքն գործը չեն ձգձգի:

2. «Ուս ուսի որ տանք, սարեր շուռ կտանք»- այս առածի միջոցով փորձում է խրատել, ինչպես նաև դաստիարակել, սերմանում է միասնության, համախմբվածության գաղափարը:

3. «Ուրիշի համար փոս փորողն ինքն է ընկնում մեջը»-ուսուցանում է, որ հարկավոր չէ դիմացինին վատություն անել, քանի որ ինքն էլ կարող է ընկնել նույն իրավիճակի մեջ:

4. «Խոսքը՝ մեծին, ջուրը՝ փոքրին»- երեխաները պետք է քիչ խոսեն, չխառնվեն մեծերի խոսքին:

Առածները մեծ դեր կարող են ունենալ անձի վարքի կարգավորման գործում: Առածի միջոցով ամփոփվում, ի մի է բերվում բնագրի արտահայտած հիմնական միտքը:

## Ասացվածքներ

Ասացվածքներ արտահայտված են ուղղակի խոսքով, ինչպես ասում ենք, այնպես էլ հասկանում ենք:

1. «Ամեն բանի սկիզբն էլ դժվար է»

2. «Այսօրվա գործը վաղվան չեն թողնի»

3. «Արածիդ մասին շատ մի խոսիր»

Այսինքն՝ պետք չէ ծուլանալ, ասել՝ լավ, վաղը կանեմ: Եթե այսօր չանես, կարող է վաղը ուշ լինել, կամ սկզբում ամեն ինչն էլ դժվար է թվում, պետք չէ ծուլանալ, ասել՝ դժվար է և ցանկացած գործ անելուց պետք չէ ցուցադրել և գլուխ գովալ:

Առածները և ասացվածքները բացառիկ խորությամբ արտահայտել են աշխատավոր ժողովրդի մտածողությունը, նրա սոցիալ պատմական փորձը, ավանդույթները, իրականության նկատմամբ ունեցած նրա վերաբերմունքը:

**Հանելուկը** երևույթի կամ առարկայի հակիրճ փոխաբերական նկարագիրն է, որտեղ քողարկված ձևով տրվում են կռահվող երևույթի հատկանիշները: Հանելուկը ստիպում է երեխային խորհել և գտնել տվյալ առարկան կամ երևույթը, որի մասին խոսվում է: Հանելուկը զարգացնում է երեխայի մտածողությունը, դիտողականությունը և հիշողությունը.

**1.Գալիս է հուշիկ,**

**Կարմիր են դառնում**

**Ականջ ու թուշիկ,**

**Մեծը մրսում է,**

**Փոքրը դրսում է:**

Հայտնի է, որ տարրական դասարաններում սովորող երեխաների գլխավոր գործունեությունը խաղն է, որը նրանց զարգացող անձնավորության կենսական պահանջն է:

Դրանով կարելի է բացատրել այն, որ տարրական դասարանների երեխաները հրապուրվում և սիրում են այն գրական ստեղծագործությունները, որոնք տրված են խաղային ձևով:

Ընկալելով այդպիսի ստեղծագործությունը՝ երեխան իրեն պատկերացնում է խաղի մասնակից և կարծես դառնում իր համար սիրելի դերի անձնավորողը: Դրա շնորհիվ ակտիվանում է նրա վերլուծական-համադրական կարողությունը, որը և

ռեալ հնարավորություն է ստեղծում գործնականում օգտագործելու ձեռք բերած գիտելիքները:

Նշված փաստը թույլ է տալիս տարրական դասարանների դպրոցականների հետ աշխատող մանկավարժներին խորհուրդ տալ չմոռանալ խաղի կրթական-դաստիարակչական դերը երեխաների կյանքում, չշտապել զրկելու նրանց խաղի պատճառած ուրախությունից, երազանքների աշխարհին: Լավ կլիներ գրականության ցանկի մեջ մտցնել խաղային ձևով տրված մանկական ստեղծագործություններ: Բոլորիս հայտնի է, որ երեխաները սիրում են հարցեր տալ: Այդ հարցերը նրանց շրջապատող աշխարհը ճանաչելու մեծ ցանկության, ինչպես նաև կենսափորձին վերաբերող հասկացությունների, պատկերացումների սահմանափակ լինելու ցուցանիշներն են: Լավ գրականությունը լուծում է այդ պրոբլեմը:

Մ.Գորկին գրել է. «Յուրաքանչյուր գիրք իմ առաջ լուսամուտ էր բացում դեպի նոր, անձանոթ աշխարհ, պատմում ինձ մարդկանց նրանց զգացմունքների, մտքերի և հարաբերությունների մասին, որոնք ես չգիտեի և չէի տեսել»:

Աշխատանքը երեխաների հետ ցուց է տալիս, որ եթե գրական տեքստը կառուցվում է հարցերով և պատասխաններով, ուժեղանում է մանկան ուշադրությունը նրա բովանդակության վրա, որի շնորհիվ հաջողությամբ է տեղի ունենում մտապահման պրոցեսը

*. -Ու՞ր գնացին ծաղիկները,*

*-Սուս, քնածեն հողի տակ,*

*Տաք ծածկված ողջ ձմեռը*

*Ձյուն-ծածկոցով սպիտակ:/Հ. Թ/*

« Ու՞ր գնացին ծաղիկները» հարցով անմիջական կապ, սրտակից զրույց է ստեղծվում մեծ բանաստեղծի և փոքրիկի միջև: Երեխան, կարծես մասնակից է դառնում նկարագրվող իրադարձություններին:

Խնկո- Ապոր, Ս. Կապուտիկյանի , Մկրտիչ, Կորյունի, Ղ. Աղայանի Ս. Մուրադյանի և Հայ այլ մանկագիրների բազմաթիվ ստեղծագործությունները մանկավարժական տեսակետից արժեքավոր են, որովհետև դրանց միջոցով երեխան ոչ միայն իրեն հետաքրքրող հարցերի լիարժեք պատասխանն է ստանում, այլև ինքն է փնտրում ու գտնում դրանք:

Հարցերը ակտիվացնում են բանաստեղծությունն ընթերցող/լսող/ երեխային ճանաչողության կարողությունը:

Գրականագիտական տեսակից հետաքրքիր և մանկավարժական տեսակետից արժեքավոր պետք է համարել նաև հեղինակի կողմից ընթերցողին դիմելու հատուկ ձևը:

Բացում եմ քո դեմ

Ես մի ողջ աշխարհ

Տանում քեզ հեռու Ծովերի գիրկը: /Վ. Հովսեփյան/

Գիտական տեքստում հերոսների միջև հատուկ, պարզ երկխոսությունների առկայությունը, ինչպես ցույց է տալիս աշխատանքը երեխաների հետ, արագացնում և որակապես բարելավում է որոշակի գիտելիքների ըմբռնումը, ինչպես նաև ստեղծագործության բարոյական հիմքի ընկալումը:

Տեր- Գրիգորյան «Գիրք, որն ընթերցող էր փնտրում», «Որ<sup>օ</sup>ն է կարևորը», «Վարդանի սխալը», Վ. Օսեկա «Ընկերները», Լ. Միրջանյան«Զրույց հեռախոսով» և այլը: «Ես ձեռք չեմ տվել» և այլ պատմվածքների օգտագործումը ցույց է տալիս, որ երեխաները երկխոսության միջոցով հաջողությամբ են ըմբռնում վատ և լավ արարքները, տարբեր բարոյական հասկացությունները:

## Եզրակացու թյ ու ն

Հայ մանկական գրականությունը հարուստ է հայրենի բնության նկարագրություններով: Դրանք իհարկե, հարկավոր են երեխաներին, սակայն, ցավոք, այդ նկարագրությունները երբեմն ինքնանպատակ են և չեն հարստացնում երեխայի ճանաչողական փորձը: Չի կարելի մոռանալ նայն այն ստեղծագործությունները, որոնք երեխաների համար շատ բարդ են:

Այստեղից կարելի է եզրակացնել, որ տարրական դասարանների երեխաները միատեսակ չեն ըմբռնում գրական ժանրերը: Նրանց հրապուրում է հատկապես հեքիաթը, որի հաջող հաղորդման դեպքում իմացական պրոցեսն արագ է կատարվում, ընկալման համեմատական և համադրական գործողություններն իրականացվում են ոչ թե երեխայի երկարատև «որոնումների» շնորհիվ, այլ մեկ, երկու փորձ կատարելու ընթացքում:

Այն գրական ստեղծագործությունները, որոնցում բնության նկարագրությունների հիմքում ընկած է գաղափարների ենթատեքստ, ակտիվացնում են երեխաների մտածողությունը, հարստացնում նրանց կենսափորձը:

Լավ կլիներ գրականության ցանկի մեջ մտցնել խաղային ձևով տրված մանկական ստեղծագործություններ: Գեղարվեստական գրականության ընկալումը տարրական դասարանների երեխաների անձնական զարգացման պարտադիր բաղադրիչ է: Գրականությունը պատմական փաստերի պահեստ է, նախորդ սերունդների փորձը, անցյալի և ներկայի հիմնական փիլիսոփաների մտքերը: Գրականությունը համարվում է արվեստ, որը պարզ բառերի օգնությամբ ազդում է գիտակցության վրա: Բացի այդ, գրքերի սերը ներշնչվում է հենց սկզբից, նաև այն պատճառով, որ ընթերցանությունը զարգացնում է երևակայությունը, սովորեցնում է պատկերացնել իրավիճակներ և նկարներ նկարել:

Այսբանով, բնականաբար, չեն սպառվում տարրական դասարանների երեխաների կողմից գեղարվեստական գրականության ընկալման առանձնահատկությունն:

## Օգտագործած գրականություն

1. Հայոց լեզու և գրականություն,, ամսագիր 3-4.2002
2. Կրթություն,, շաբաթաթերթ 15 հուլիսի,2017
3. Լև Վիգոտսկի, Պատմամշակութային հոգեբանություն, Ազատ հանրագիտարան
4. ԿՏԱԿ, 2017-2018 ուստարվա պահոց
5. ԿՏԱԿ, 2018-2019 ուստարվա պահոց
6. Ուսուցչի օրագիր
7. Ուսուցչի գրադարան
8. Այդան Չեմբերս, Պատմել, Ընթերցանություն
19. Դավիթ Գյուրջինյան, Թամար Ալեքսանյան, Աշոտ Գալստյան, Մայրենի, Ուսուցչի ձեռնարկ 5-6:



